



De Præcellentia Episcopalis Dignitatis

Alzedo, Mauricio de

Lugduni, 1630

Reverendissimo Patri, Ac Domino Meo Colendissimo, Petro De La Madre De Dios, quondam (antequam creatus nouus homo secundum Deum in iustitia & sanctitate veritatis) De Gvzman, in illustrissima mihi & ...

[urn:nbn:de:hbz:466:1-62394](https://nbn-resolving.org/urn:nbn:de:hbz:466:1-62394)



REVERENDISSIMO PATRI,
AC DOMINO MEO COLENDISSIMO,
PETRO DE LA MADRE DE DIOS, *quondam*
(*antequam creatus novus homo secundum Deum*
in iustitia & sanctitate veritatis) DE GYZMAN, *in*
illustrissima mihi & omnibus amabili Discalceatorum
Carmelitana familia Diffinitoris officium gerenti.



ONSIDERANTI mihi sæpenumerò
(Pater Reuerendissime) varia homi-
num studia, illi felices maximèque
laudabiles videntur, qui omnes actio-
nes suas in Deum referunt, totòsque
fese in optimæ vitæ statu & exquirendo & conse-
quendo collocarunt, nimirum intelligentes mundi
gloriam, potentiam, & opes (ad quas plerique mor-
taliū auiditate inflammati aspirant) non esse in re-
bus expectandis, & præclaris numerandas, quippe
cùm eas caducas & incertas aspiciant, virtutem am-
plectuntur, quæ altissimis defixa radicibus neque
potest incendio amitti, neque direptioni committi,
neque vlla temporum corruptione labefactari: inter
omnes verò qui hunc felicem cursum feliciter con-
ficiunt, tu præcipuè emines (mi clarissime Pater)
qui in insigne magnitudinis atque excellentiæ tuo-
rum maiorum ac parentum sede constitutus, admi-

rabiliter virtutem sectans , eorum memoria ac tui
ipſius , & etiam Guzmanorum percalcata & negle-
cta, ad cæleſtia tunc temporis aſpirans , cum diuitiæ
deliciæ , & ſpes etiam maiora conſequendi allicere
ſolent, & animum imbecillum reddere , ac rationis
uſum obſtupeſcere , ſtatim cùm clamor intra cor
tuum tibi factus, timens ne in aſſumendis veſtimen-
tis ac calciamentis, & maiorum tuorum excellentiſ-
ſimo cognomine moram faceres, intra quam Domi-
nus veniret ; & clauderet ianuam , celeriter nudus
ſurgens, & etiam pedibus diſcalceatis ad Carmelita-
nam diſcalceatorum confugiſti familiam, ad ibi vi-
gilanter Dominum expectandum , quando reuertatur
à nuptiis , optimo ac ſingulari conſilio pedibus
pergis diſcalceatis , ne tibi diceretur quod Moyſi,
quando ad videndum quòd rubus ardebat , & non
comburebatur, appropinquabat, *Solve* (inquit Domi-
nus) *calceamentum de pedibus tuis* , locus enim in quo
ſtas, terra ſancta eſt : ſancta eſt etiam Diſcalceatorum
Carmelitana familia, quam habitas , & ſanctiſſimo-
rum virorum foecunditate plena , fertiliffima Eccle-
ſiæ, & vtiliffima fidei , & ſic diſcalciatus incedis , &
decoratus humilitate, manſuetudine, conſtantia, pa-
tientia, integritate, ſolertia , probitate, eximia pieta-
te , & ſingulari prudentia , & omni denique ſancti-
monia. Venerabiliſſimi Patris Ioannis *de la Cruz*,
(citò vt exiſtimo in Sanctorum catalogo adſcriben-
dus) & præclariffimi Franciſci de I E S V & M A R I A,
Antonij de I E S V, Franciſci indigni Ioannis *de la mi-
ſeria*, ſingulariſſimi Franciſci *del Niño Jeſus* , & alio-
rum

rum illustrissimorum virorum, quorum nomina in libro vitæ extant scripta (in tuæ sanctissimæ religionis laudem & ornamentum) eximia opera, admiranda prodigia, & stupenda facta imitando, ac singularia sequens vestigia, & etiam maiorum tuorum: in tua enim excellentissima Guzmanorum progenie viros habes gloriosos, quos imitando sequeris, quos sequendo exaltas, in Patres & ascendentes habes gloriosissimum Ildiphonsum Toletanum Archiepiscopum, & sanctissimū Dominicum Prædicatorum Patrem ac Patriarcham, & etiam Dominum *de la Casa de Orgaz*, qui anno Domini 1322. viam vniuersæ carnis ingressus, cum ad eum sepeliendum vniuersa Toletana ciuitas congregaretur, in parochia Diuo Apostolo Thomæ dicata, apparuerunt (turba præsentē & stupēte) venerabilis Doctor Augustinus, & Protomartyr Stephanus ad eius exequias celebrandas, & ipsi suis manibus sepelierunt, dicentes alta voce in reditu, *Sic honoratur, quem Deus vult honorare.* Dominum etiam Alphonsum Perez *de Guzman el Bueno*, qui pro fidei exaltatione, sui Regis, ac populi defensione, filio suo nō pepercit, maluit namque ciuitatem obsidiatam Regi suo indemnem seruare, quàm dilectissimi filij vitam redimere, & in signum suæ numquam auditæ excelsi animi præstantiæ, ac fidelitatis, gladium cum quo filius vita eximeretur, proiecit. O celeberrima, & excellentissima Guzmanorum illustrissima familia, tanta virtutis, honoris, & sanctitatis gloria condecorata, & amplissima diuitiarum opulentia ornata, pacis bellique tē-

pore tuorum maiorum gloriosissimis & heroicis trophæis, ac singularibus illustrata miraculis. Quod si nobiles & plebei literati, vel milites nostrarum Hispaniarum, quinimò & aliarum nationum aliquem honoratissimum, illustrissimum, & diuitiarum opulentissimū esse exaggerare velint, non aliis illustrissimis huius regni familiis, sed magis huic excellentissimæ Guzmanorum comparandam existimant, quinimò & vbi aliquis rem aliquam magnam & memorabilem facit, faceréve intentat, mundi exaggerandi modus non alius est quàm dicere, non posset plus facere si esset *de los Guzmanes*: ex hac enim singularissima familia Imperatores & Reges, qui totum gubernāt orbem originē ducunt; nam ex Alphonso sexto *el de la mano Oradada*, qui Toletum recuperavit, & ex Domina Iimena Gomez *de Guzman* Domina Theresa orta est, quæ Henrico Lotharingio nupsit, cui in dotem datum Lusitanorum regnum, ex isto felicissimo matrimonio fuit in lucem editus Alphonfus I. Rex Lusitanorum. Alphonfus X. cognominatus *el Sabio*, Hispaniæ Rex, & Domina Maior *de Guzman* habuerunt in filiã dominam Beatricem *de Guzman*, quæ in matrimonium Alphonfi III. Lusitanæ Regis collocata, cui etiam in dotem traditum Regnum *de los Algaraues*, ex ea enim illius regni Reges legitimo & ordinato procedunt ordine. Ex Alphonso XI. & ex Domina Leonore *de Guzman* in hanc lucem prodiit Henricus II. Hispaniæ Rex, ex quo omnes Hispaniarum Reges & Imperatores de Austria legitimè etiam descendunt, & per Ferdinandum

dum Imperatorem Caroli V. fratrem omnes Reges Galliaë, & Duces de Otruiia, ac ferè omnes magnates & proceres Germaniæ & Italiæ. Prætereo tamen (ne rem infinitam faciam) mentionem facere de præclarissimis viris, qui propter eximias belli, paciſque artes celebrem posteris memoriam reliquerunt, & etiam multitudinem referre magnatum, qui ex hac excellentissima progenie ducunt originem, atque oriuntur, ne tuam singularem humilitatem offendam, ac modestiam, tum etiam quia de eximiis (ob mei ingenij rusticitatem) pauca dicere injuriosum esset, & securiùs mihi balbutienti, & rudi Oratori flescere visum est. Accipe igitur, mi colendissime Pater, praxim hanc tuæ amplitudini in mei gratitudinis, recognitionis, ac amoris pignus dicatam, quam si tibi gratam retulisse sensero, ad maiora elucidanda festinabo. Vale refugium meum, & in nidulo tuo viue feliciter, vt requiescas, & sit tua memoria æterna.

MAVRICIVS DE ALZEDO.